

後

漢

書

疏

證

後漢書疏證卷二十六

吳 氏欽韓撰

金城郡

地形志金城郡後漢建武十三年省併龍西孝明復水
經注魏黃初中立西平郡治平城晉志西平郡漢置按
魏志注引魏畧韓約使閩行別領西平郡張既傳事在建
安中作漢置者為是

允吾

元和志鄯州龍支縣本漢允吾縣通典後漢為龍耆縣
按西羌傳曹鳳為金
城西部都尉將徙土屯龍支龍耆城乃都尉
所治別城非縣隋志龍支後魏曰北金城故城在蘭

州廣武縣西南一百六十里水經注湟水東南流逕龍

夷城龍夷蓋故西零之地十三州志曰城在臨羌新縣

西三百一十里王莽西海郡治此城此西海郡與後漢末所置之西海郡

領居延一縣者別者別 湟水又東逕允吾縣北為鄭伯律與淵水

合魏志郭淮傳治無戴國武威家屬留在西海淮

趣西海欲掩取其累重會無戴折還與戰于龍夷之北

破走之蘇則傳為金城太守加護羌校尉魏名臣奏張既答詔曰金城郡昔為韓遂所見屠剝死喪流

亡或竄戎狄寇亂戶不滿五百則到官內撫彫殘外鳩離散今見戶千餘又梁燒襍種羌昔與遂同惡遂斃之

後越出障塞則前後招懷歸龍郡者三千餘落皆郵以威恩為官効用西平麴演等唱造邪謀則尋出軍臨其

項領演即呂光記光擢主簿尉祐為寧遠將軍金城太

卷之二十一 西海郡 八十一

守祐次允吾襲據外城以叛祐從弟隨據鷓陰以應之

禿髮烏孤記遣其將石亦干築廉川堡以都之隆安元

年呂光遣將軍竇苟來伐戰于街焉大敗之水經注逆

縣參街如東南流逕街亭城南北史鄧至羌地自街亭以東平武以西亦此街亭也烏孤從容謂

其羣下曰隴右區區數郡地耳因亂分裂遂至十餘乾

歸擅命河南段業阻兵張掖虐民偷息姑臧吾藉父兄

遺烈思廓清西夏兼弱攻昧三者何先楊統進曰乾歸

本我所部終必歸服段業儒生才非經世權臣擅命制

不由己千里伐人糧運懸絕且與我鄰好許以分災其

患乘其危弊呂光衰亂嗣紹冲幼二子纂弘雖頗有文

武而內相猜忌若天威臨之必應鋒瓦解宜遣車騎鎮

浩豐鎮北據廉川乘虛迭出多方以誤之使纂疲于奔

命不出二年可以坐定姑臧既拔二寇不待兵戈自然

服矣烏孤然之通鑑隆安二年楊軌屯廉川牧集夷夏

而兵威盛且乞基之主也不如歸之軌乃遣使降于西

平王烏孤軌尋為羌首梁飢所敗西奔僭海襲乙弗鮮

卑而據其地烏孤謂羣臣曰楊軌王乞基歸誠于我卿

等不速救使為羌人所覆孤甚愧之平西將軍潭屯曰

梁飢無經遠大畧可一戰擒也飢進攻西平乃謂羣臣

曰梁飢若得西平保據山河不可復制飢雖驍猛軍令

不整易破也遂進擊飢大破之飢退屯龍支堡烏孤進

攻拔之飢單騎奔澆河元嘉三年秦王熾警伐河西至

廉川道太子暮末等步騎三萬攻西安不克按地形志

洪和郡有水池葦川二縣隋志枹罕郡水池縣後魏曰

葦川并入水池唐無水池縣蓋又并入龍支葦川即廉

川也水經注洮水又北出門峽歷成徽川瀾州水注之

草川之地則在
臨洮縣西北
乞伏乾歸記乾歸為姚興所敗率騎數

百馳至允吾利鹿孤遣弟俛檀迎乾歸處之于晉興晉志

張軌分西平界置晉興郡水經注關南羌梁弋遣使招
駟曰允吾縣西四十里有小晉興城

之乾歸將叛謀洩利鹿孤遣弟吐雷屯于捫天嶺通鑑元嘉

五年暮末遣使請蒙遜許歸且渠成都以求和遣將軍

王伐道之蒙遜猶疑之使恢武將軍沮渠奇珍伏兵于

捫天嶺執伐并其騎士三百人以
歸胡三省曰捫天嶺在允吾東南

活壘

元和志漢活壘縣故城在蘭州廣武縣西南一百三十

里隋志鄯州湟水縣有舊活壘縣水經注活壘河出西塞外東南逕西

平之鮮谷塞尉故城南又東逕養女北山又東逕活壘

縣故城南東流注于湟水禿髮記樂都之潰諸城皆降于熾磐偃檀將尉賢政固守浩盪不下熾磐呼之曰樂都已潰卿妻子皆在吾間孤城獨守何所爲也賢政曰昔羅憲待命晉文亮之文聘後來魏武不責邀一時之榮忘委付之重大王亦安用之旣聞偃檀至左南乃降

晉志左南縣屬晉興郡張軌置

沮渠記蒙遜遣其世子政德屯兵若厚

塢蒙遜西至北岸謂張衍曰吾今年當有所定但太歲在申月又建申未可西行且當南巡要其會歸主而無容以順天心遂攻浩盪而虵盤于帳前蒙遜笑曰前一爲騰蛇今盤在吾帳天意欲吾迴師先定酒泉燒攻具

而還

令居

明志西靈街東北有令居廢縣

通典霍去病逐諸羌水築令居塞即其地

經注澗水出令居縣西北塞外南流逕其縣故城西又

南逕永登亭西

按晉志張寔分金城之令居枝陽又立永登縣合三縣為廣武郡即此永登亭

歷黑石如南流注鄭伯津魏志郭淮傳令居惡虜在石

頭山之西當大道止斷絕王使淮還過討大破之劉曜

記張駿遣金城太守張閬護軍辛晏將軍韓璞等率眾

數萬人攻掠秦州諸郡曜遣劉胤率步騎四萬擊之夾

洮相持七十餘日冠軍呼延那雞率親御郎二千騎絕

其運路亂濟師逼之璞軍大潰奔還涼州亂追之至于

令居斬級二萬

枝陽

舊唐志蘭州廣武縣漢枝陽縣張駿置廣武郡隋廢為

縣隋志涼州允吾縣後魏曰廣武大業初元和志武德三年重置廣武縣劉昫誤水經注湟水

又東逕枝陽縣逆水注之元和志逆水在縣西南二十許里水西有馬蹄如石上猶

存跡水出允吾縣之參街如東南流逕街亭城南又東

南逕陽非亭北通鑑太元元年張天錫將馬建自陽非退屯清塞又東南逕廣

武城西故廣武都尉治逆水東逕枝陽縣故城南東南

入于湟水晉書張重華傳金城太守張冲降于麻秋涼

州震動重華埽境內使其征南將軍裴恆禦之壁于廣武欲以持久弊之司馬張耽言主簿謝艾兼資文武明識兵畧重華以艾爲中堅將軍引師出振武夜有二梟鳴于牙中新唐志石堡城開元十七年置初曰振武軍又西二十里至赤嶺其西吐蕃界艾曰梟邀也六博得梟者勝今梟鳴牙中剋敵之兆于是進戰大破之斬首五千級禿髮記隆安元年烏孤自稱西平王曜兵廣武攻剋金城伏乞記乾歸使乞伏益州赫攻克交陽鷓武允吾三城赫連勃勃記求婚于傅檀傅檀弗許勃勃怒率騎二萬伐之自陽非至于支陽非三百餘里殺傷萬餘人

金城

舊唐志蘭州五泉縣漢金城縣

隋志大業初改子城縣為金城

水經注

湟水東流注于金城河闕駟曰河至金城縣謂之金城

河河水又東逕石城南謂之石城津

通鑑太元元年秦苟萇濟自石城津

元和志金城關在蘭州城西周武帝置金城津關皇十八年改津為關即此

闕駟曰在金城

西北河水又東南逕金城縣故城北十三州志曰大河

在金城北門東流有梁泉注之呂光記遺南中郎將呂

方及其弟右將軍呂寶等討乞伏乾歸于金城方屯河

北寶進師濟河為乾歸所敗

乾歸記太元十三年遷于金城後為呂光弟寶所攻

敗于鳴雀峽退屯青岸寶進追乾歸使其將彭奚念斷其歸路射貫甲冑速戰敗之寶及將士投河死者萬餘

人元和志涼州赤烏鎮有青赤泉因名赤水軍

太元二十一年光次于長最

胡

者曰長最在金城河北使呂纂率楊統竇苟等步騎三萬攻金城

乾歸率眾二萬救之按如載記則乾歸已遷苑川纂剋金城擒乾歸

太守衛鞬鞬瞋目謂光曰我寧守節斷頭不為降虜光

義而免之伏乞記熾磐以長安將亂乃招緒諸部二萬

七千築城于嶮琅山據之遣使告乾歸奔還苑川通鑑元嘉

三年秦左丞相曇達與夏呼盧古戰于嶮琅山曇達兵

敗寰宇記唐嶮山亦名熱薄汗山在縣南一百四十里

姚興記鮮卑薛勃叛奔嶺北上郡貳川雜胡皆應之遂

圍安達將軍姚詳于金城遣姚崇尹緯討之勃自三交

趣金城崇列營椅之按此蓋姚秦所置非舊金城郡也乞伏記攻剋姚興金城郡以乞伏

務和為東金城太守是也地形志東梁州金城郡領直城縣姑附識于此

榆中

寰宇記漢榆中縣故城在今蘭州五泉縣東水經注河水東過榆中縣北昔蒙恬為秦北逐戎人開榆中之地吳志孫堅傳山陽公載記曰董卓謂長史劉艾曰孤昔與周慎西征孫堅隨周慎行謂慎求將萬兵造金城使慎以二萬作後駐邊韓城中無宿穀當于外運畏慎大兵不敢輕與堅戰而堅兵足以斷其運道兒曹因必還羌如中涼州或能定也慎不用堅自攻金城而渡遼兒果斷蔡園慎弃輜重走

按後漢書董卓傳慎不從引軍圍榆中城而章遂分屯葵園峽反斷慎運道据樂資記云圍金城而范書云圍榆中或此時金城郡移治榆中也

臨羌

明志西寧街西有臨羌廢縣

元和志儀鳳二年分湟水縣置鄯城縣東至鄯州一

百二十里通典漢西平郡故城在鄯城縣西寰宇記縣

西一百三十二里是也又新唐志縣有河源軍西六十

里有臨蕃城臨羌城應在是水經注湟水逕青海北東去西平二百

五十里湟水東流逕湟中城北又東逕赤城北而東入

經戎峽口右合羌水逕護羌城東故護羌校尉治

西羌傳建初二年武城太守傅育又東北逕臨羌城西東北流注

為護羌校尉移居臨羌于湟湟水又東逕臨羌新縣故城南關駟曰在郡西百

八十里又東長寧川水注之水出松山東南流逕晉昌

城晉昌川水注之

按此別一晉昌非惠帝分敦煌置之晉昌長寧水又東南

養女川水注之關駟曰長寧亭北有養女嶺卽浩臺山

亂流出峽南逕長寧亭東晉志西平郡有長寧縣張祚封長寧侯是此在西

平西北四十里湟水又東逕西平城北東城卽故亭也

黃初中立西平郡憑倚故亭增築南西北三城以為郡

治湟水又東逕土樓南元和志在湟水縣西百三十里關駟曰西平亭

北有土樓神祠者也獻帝春秋曰董卓傳注涼州義從宗建

王國等反詐金城郡降求見涼州大人故新安令邊允

從事韓約約不見太守陳懿勸之使王國等便劫質約

等數十人金城亂懿出國枝以到護羌營殺之而釋約

允等隴西以愛憎露布冠約允名以為賊州購約允合

千戶侯約允被購約改爲遂允改爲章魏志張旣傳注

建安中韓約從華陰破走還滄
中部黨散去惟成公英獨從旣傳曰西平麴光等反

諸將欲擊之旣曰惟光等造反郡人未必悉同若便以

軍臨之吏民羌胡必謂國家不別是非更使皆相持著

此爲虎傅翼也光等欲以羌胡爲援今先使羌胡鈔擊

重其賞募所虜獲者皆以畀之外阻其勢內離其交必

不戰而定乃檄告諸羌爲光等所注誤者原之能斬帥

帥道首者加封賞於是部黨斬送光首晉書馬隆傳太

康初朝廷以西平荒毀宜時興復以隆爲平虜護軍西

平太守將所領精兵又給牙門一軍屯據西平時南虜

成吳每為邊患隆至帥軍討之處據險拒守隆令軍士皆負農器將若田者虜以隆無征討意御眾稍怠隆因其無備進兵擊之破之畢隆之政不敢為寇

破羌

舊唐志鄯州湟水縣漢破羌縣

通典故城在今縣西

湟水俗呼湟

河又名樂都水南涼秃髮烏孤始都此後魏改破羌為

西都縣

按晉志西平郡已有西都縣元和志言魏改者是

隋改為湟水縣

隋志湟水

舊曰西都

水經注湟水又東逕樂都城南右台來如乞斤二

水左會陽非流溪細如三水東逕破羌縣故城南十三

州志曰湟水河在南門前東過六谷水自南破羌川自

北左右翼注湟水又東南逕小晉興城北故都尉治

按漢

志無之晉志張軌分西平界置晉興郡

禿髮記烏孤降光樂都湟河澆河

三郡更稱武威王徙于樂都

利鹿孤徙西平

俾檀又遷于樂都

大城樂都蒙遜圍樂都三旬不克遣使謂俾檀曰若以

寵子為質我當還師俾檀曰去否任卿兵勢卿違盟不

信何質以供蒙遜怒築室反耕為持久之計羣臣固請

乃以子安周為質蒙遜引歸俾檀議欲西征乙弗孟愷

諫曰連年不收上下飢弊南逼熾磐北迫蒙遜今遠征

雖克後患必深不如結盟熾磐通糴濟難慰喻襍部以

廣軍資畜力繕兵相時而動俾檀不從留其太子武臺

守樂都傳檀率騎七千襲乙弗大破之獲牛馬羊四十餘萬熾磐乘虛來襲武臺懼晉人有貳心乃召豪望有勇謀者閉之于內孟愷泣曰熾磐不道人神同憤愷等人思自効有何猜耶武臺曰吾豈不知子忠實懼餘人

脫生慮表以君等安之耳一旬而城潰

通鑑元嘉四年河西王蒙遜因

秦喪伐秦西平太守魏承謂之曰殿下若先取樂都則西平必為殿下之有苟望風請服亦明主之所疾也蒙遜乃釋西平攻樂都相國元基率騎三千救樂都甫入城而河西兵至攻其外城克之絕其水道城中飢渴死者大半東羌乞提從元基救樂都陰平與河西通謀引繩內其兵登城者百餘人鼓譟繞門元基帥左右奮擊河西兵乃退

安夷

明志西寧街西有廢安夷縣水經注湟水又東安夷川

水注之北屈逕安夷城西北東入湟水又東逕安夷縣

故城在西平亭東七十里閼駟曰四十里又東勒且溪水注之

水出縣東南勒且溪北流逕安夷城東而北入湟水湟

水有勒且之名閼駟曰金城河初與浩亶河合又與勒

且河合者也秃髮記烏孤署弟利鹿孤為驃騎大將軍

西平公鎮安夷僭檀為車騎大將軍廣武公鎮西平沮

渠記熾磐又遣將王衡折斐魏景等率騎一萬據勒且

嶺蒙遜且戰且前大破之擒折斐等七百餘人呂光記武賁呂

纂強弩寶荀率步騎五千南討彭奚念戰于

盤夷大敗而歸按盤夷當即安夷之轉

允街

通典漢允街縣故城在今涼州昌松縣東南城臨麗水

一名麗水城

元和志麗水在縣城中寰宇記其城地勢極險沮渠蒙遜築之以為防戍之所今尚

完堅如新

水經注湟水又東逕允街縣故城南漢宣帝神爵

二年置縣有龍泉出允街如泉眼之中水文成交龍畜

生將飲者皆畏避而走禿髮記乾歸世子熾磐逃歸為

追騎所執利鹿孤命殺之傳檀曰臣子逃歸君父振古

通義魏武善關羽之奔秦昭恕頃襄之逝熾宜垂全宥

乃赦之至是熾磐又奔允街傳檀歸其妻子

安定郡

通典卷一百一十五 安定郡 六十四

元和志安帝永初五年徙其人于美陽以避羌寇郡寄

理美陽按地形志漢獻帝建安中置新平郡安定之鞏

觚縣屬焉

按晉志則又徙陰槃縣于京兆

臨涇

元和志涇州臨涇縣本漢舊縣又保定縣本漢安定縣

地今臨涇縣安定故城是也後漢省

此當省入臨涇

按臨涇縣

有彭陽川去彭陽縣一百步縣界兼有漢安武安定彭

陽撫夷四縣地

折據故城在縣東十里西魏涇州刺史乙弗貴所築隋末薛舉屯據于此城舉

死仁杲復竊據武

武德元年討平之魏志建安十六年馬超與韓遂楊秋

李堪成宜等叛公西征斬成宜李堪等遂超等走涼州

楊秋奔安定冬十月軍自長安北征楊秋圍安定秋降

復其爵位前胡欲與中國通自當遣人來慎勿遣人往

善人難得必將教羌胡妄有所請求因欲以自利不從便為失異俗意從之則無益事與至遣校尉范陵至羌

中陵果教羌使自請為屬國都尉公曰吾預知當爾非聖也但更事多耳張郃傳圍安定降楊秋 晉書

惠帝紀元康六年秦雍氏羌悉叛推氏帥齊萬年僭號

稱圍涇陽賈疋傳遷安定太守雍州刺史丁綽貪橫先

百姓心譖疋于南陽王模模以軍司謝班代之疋奔瀘

水與胡彭蕩仲及氏寶首結為兄弟聚眾攻班綽奔武

都疋復入安定殺班苻登記班苻纂敗姚碩德於涇陽

姚萇自陰密拒纂纂退屯敷陸 又登進攻萇將吳忠唐

匡于平涼剋之以尙書苻碩原爲前禁將軍滅羌校尉

戍平涼登進据苟頭原以逼安定萇率騎三萬夜襲大

界營陷之殺登妻毛氏及其子并尙擒名將數十人

通鑑

太元十三年秦主登留輜重于大界自將輕騎萬餘攻安定羌密造堡克之姚萇旣克大界使姚碩德鎮安定胡三省曰大界當在安定新平間按大界蓋隴山之界唐隴州汧源縣有大震關應是

姚泓記勃

勃據雍抄掠郿城姚紹及征虜尹昭鎮軍姚洽等率步

騎五萬討勃勃姚恢以精騎一萬繼之軍次橫水勃勃

退保安定胡儼閉門拒之殺鮮卑數千人據安定以降

紹進兵躡勃勃戰于馬鞍坂敗之追至朝那不及而還

勃勃記安定人胡儼華韜率戶五萬據安定降于勃勃以儼韜爲侍中尙書留鎮東羊苟兒鎮之配以鮮卑五

千進攻亂將姚謐于雍城謐奔長安姚紹來距勃勃退
如安定胡儼等襲殺苟兒以城降泓勃勃引歸杏城

赫連記勃勃率騎三萬攻安定與姚興將楊佛嵩戰于

青石北原敗之寰宇記白石原起涇州良原縣西南三十里東北三十里分為兩原南名良原

東北更名通鑑元嘉二十三年安定盧水胡劉超等聚

眾萬人反魏主以陸俟鎮長安謂俟曰關中奉化日淺

恩信未洽吏民數為逆亂今朕以重兵授卿則超等必

同心洽力據險拒守若兵少則不能制賊卿當自以方

略取之俟乃單馬之鎮超等聞之大喜以俟為無能為

也俟既至喻以成敗誘納超女與為姻戚以招之超自

恃其眾猶無降意俟乃帥其帳下親往見超超使人逆

謂俟日從者過三百人當以弓馬相符不及三百人當以酒食相供俟乃將二百騎詣超超設備甚嚴俟縱酒盡醉而還頃之俟復選敢死士五百人出獵因詣超營約日發機當以醉為限既飲俟陽醉上馬大呼手斬超首士卒應聲縱擊殺傷千數遂平之十年魏平涼休屠正西將軍金崖羌

涇州刺史狄子玉與安定鎮將延普爭權崖子雨玉舉兵攻普不克退保胡空谷魏主以虎牢鎮大將陸俟為安定鎮大將擊崖等皆擒之

高平

通典原州平高縣漢高平縣

有笄頭山語訛亦曰汧屯山

又他樓縣

漢高平縣地

舊唐志神龍元年廢他樓縣置蕭關縣新唐志貞觀元年以突厥降戶置緣州治平

高之他樓城高宗置他樓縣神龍元年更置蕭關縣計杜祐作通典時他樓縣廢久而仍與蕭關縣並列非也

水經注河水于黑城東北高平川水注之水出高平大

隴山苦水如東北流逕高平縣故城東又北出秦長城

城在縣北一十五里又西北流逕東西二土樓故城門

北方輿紀要曰平涼府鎮原縣有他樓城晉太元十六年乞伏乾歸擊鮮卑部帥沒弈于奔他樓蓋舊

有城隋因置縣按隋志無他樓縣合一水水有五源或出隴山西東逕

西樓北東注苦水段頌為護羌校尉于安定高平苦水

討先零斬首八千級于是水之上魏志郭淮傳涼州休

屠胡梁元碧等率種落二千餘家附雍州淮奏請使居

安定之高平為民保鄣其後因置西川都尉晉志安定郡西川縣

蓋本 晉書姚興記魏人襲沒奔干干奔其部眾率數千

此 騎與赫連勃勃奔于秦州魏軍進次瓦亭

元和志瓦亭關在縣南七

十里卽隴山北乘

長安大震赫連記姚興使助沒奔干鎮高平

以三城朔方雜夷及衛辰部眾三萬配之勃勃僞獵高

平川襲殺奔干而并其眾討薛卑薛干等三部破之進

討姚興三城已北諸戍斬其將楊丕姚石生等諸將言

曰陛下將欲經營宇內南取長安宜先固根本使人心

有所憑係高平險固山川沃饒可以都也勃勃曰卿徒

知其一吾大業草創眾旅未多姚興亦一時之雄關中

未可圖也且其諸鎮用命我若專因一城彼必并力于

我眾非其敵亡可立待吾以雲騎風馳出其不意救前
 則擊其後救後則擊其前使彼疲于奔命我則游食自
 若不及十年嶺北河東盡我有也待姚興死後徐取長
 安姚泓凡弱小兒擒之方畧已在吾計中矣乞伏記國
 仁五世祖祐鄰泰始初率戶五千遷于夏緣部眾稍盛
 唐置緣州唐置緣州因此鮮卑鹿結七萬餘落屯于高平川與祐鄰迭相
 攻擊鹿絃敗南奔略陽祐鄰盡并其眾因居高平川祐
 鄰死子結權立徙于率屯又國仁建威將軍叱盧烏孤
 跋擁眾叛保率屯山國仁率騎七千討之斬其部將叱
 盧侯降者千餘人口跋大懼遂降又休官阿敦侯年二
部各擁眾五千餘落

據牽屯山爲其邊害乾歸討破之通鑑元嘉元年夏主將廢太子璜而立少子酒泉公倫璜聞之將兵七萬北伐倫倫將騎三萬拒之戰于高平倫敗死倫兄太原公昌將騎一萬襲璜殺之并其眾八萬五千歸于統萬夏主大悅立昌爲太子

朝那

通典原州平涼蕭關百泉三縣漢朝那縣地

新唐志白草軍在蕭

關縣蔚茹水之西

苻登記登率眾下隴入朝那姚萇據武都相

持累戰在有勝負又登爲尹緯所敗奔平涼收集遺眾入馬毛山興率眾攻之登引軍與興戰于山南爲興所

敗登被殺

元和志馬屯山在平涼縣西其山南北二十里東西三十里按馬屯即馬毛之訛兩字多

互混魏書北史作姚興記興如貳城將討赫連勃勃遣馬鬣嶺此當為毛

安遠姚詳及歛曼鬼鎮軍彭白狼牙督租運諸軍未集

而勃勃騎大至興欲留步軍輕如鬼營眾咸惶懼羣臣

固以為不可興弗納右僕射韋華等諫曰若車騎輕動

必不戰自潰鬼營亦未必可至惟陛下圖之興乃遣左

將軍姚文宗率禁兵距戰中壘齊莫統氏兵以繼之以

死力戰勃勃乃退留禁兵五千配姚詳守貳城又貳縣

善叛興遣後將軍歛成鎮軍彭白狼北中郎將姚洛都

討之歛成為羌所敗詣趙興太守姚穆歸罪地形志趙興郡真君

置非年穆欲道殺之成怒赫連勃勃又勃勃遣其將胡金
纂將萬餘騎攻平涼興如貳城因救平涼纂眾大潰生
擒纂又勃勃遣其將赫連建率眾寇數千騎入平涼姚
恢與建戰于五井平涼太守姚興都爲建所獲遂入新
平姚弼討之戰于龍尾堡大破之擒建道長安赫連記
勃勃又率騎二萬入高固及于五井掠平涼雜胡七千
餘戶以配後軍進屯依力川姚興來伐至三城勃勃候
興諸軍未集率騎擊之興大懼遣其將姚文宗拒戰勃
勃僞退設伏以待之姚榆生等追之伏兵夾擊皆擒之
又攻興將金洛生于黃石固彌姐豪地于我羅城皆拔

之隋志後魏置長城郡及黃石縣西魏徙七千餘家于

大城按貳城貳縣見此者不一自晉已下貳城之名亦

按其地當在唐原州平涼縣界通鑑元嘉五年魏平北

將軍尉養攻夏主于上邦夏主退屯平涼奚斤進軍安

定與巨堆娥清軍合斤馬多疲死士卒乏糧夏主日來

城下抄掠不得芻牧諸將患之監軍侍御史安頡曰受

詔滅賊今更為賊所困退守窮城若不為賊所殺當坐

法誅進退皆無生理諸王公晏然曾不為計平斤曰今

軍士無馬以步擊騎必無勝理當須京師救騎至合擊

之頡曰赫連昌好勇而輕每自出挑戰眾皆識之若伏

兵掩擊昌可擒也斤猶難之頡乃陰與尉眷等謀選騎待之既而夏主來攻城頡出應之夏主自出陣前軍士識其貌爭赴之會天大風揚塵晝昏夏主敗走頡追之夏主馬蹶而墜遂擒之夏平原王定收其餘眾奔還平涼卽皇帝位奚斤自以爲元帥而昌爲偏裨所擒深恥之乃舍輜重齎三日糧追夏主于平涼娥清欲循水而往斤不從自北道邀其走路至馬髦嶺夏軍將遁會魏小將有罪亡歸于夏告以魏軍食少無水夏主乃分兵邀斤前後夾擊之魏兵大潰斤及娥清劉拔皆爲夏所

擒宋書索虜傳定設伏于隴山彈箏如破之元和志百泉縣有彈箏峽

烏枝

通典漢烏氏故城在涇州安定縣東

地形志烏氏縣有撫夷城蓋前志有

撫夷縣後漢并入烏氏

魏志曹真傳安定民楊條等略吏民保月

支城真進軍圍之條謂其眾曰大將軍自來吾願早降

耳遂自縛出

按前志有月支道後漢蓋併入烏支

三水

通典漢三水縣故城在涇州安定縣南

地形志三水縣有隨意城又

邠州三水縣漢舊縣

元和志魏改三水縣為西川縣後魏于今縣理西二十八里重置三

水縣取漢舊名按水經注漢之三水縣在郡東北非邠州也

又涇州良原縣漢三水

縣地水經注高平川水又北逕三水縣西肥水注之東

有山山東有三水縣故城本屬國都尉西南去安定郡
三百四十里城北有三泉

陰盤

新唐志涇州潘原縣本陰槃縣天寶元年更名元和志

在郡州宜祿縣西北二十五里按地形志平原郡陰槃縣有安武城是前志安武縣并入陰槃也續志有陰槃無陰密晉志于安定郡又為陰密是兩縣亦互相并晉書李舍傳河間王顥表請

討齊王冏拜舍為都督統張方等諸軍向洛陽舍屯陰

盤寰宇記後漢末移縣屬京兆郡述征記曰遇亂徙于新豐晉志京兆郡有陰槃縣地形志真君七年新豐

晉書劉曜記游子遠進軍安定氏羌悉下惟句氏宗黨

五千餘家保于陰密進攻平之姚萇記萇如陰密攻苻

登敕其太子興曰苟曜好姦變將為國害聞吾還北必
 來見汝汝便執之苟曜果見興于長安興遣尹緯讓而
 誅之姚興記遼東侯彌姐亭地亭又作豪未知孰是率其部人南
 居陰密劫掠百姓弼收焉地殺之姚泓記勃勃攻陷陰
 密執秦州刺史姚軍都坑將士五千餘人又征北姚恢
 率安定鎮戶三萬八千焚燒室宇以車為方陣自北雍
 州趣長安自稱大都督大將軍移檄州郡欲除君側之
 惡建節彭完都聞恢將至奔陰密奔還長安恢至新支
 姜紀悅恢曰國家重將在東京師空虛公可輕兵徑襲
 事必剋矣恢不從

鶉觚

通典邠州宜祿縣漢鶉觚縣地元和志淺水原即今今

理所

初金城人薛舉稱兵武德元年舉寇涇州屯兵于安定縣之折塢城太宗親征相守六十餘日會舉

死其子仁果統其眾并羌胡十餘萬數來挑戰上遣總管麗玉自此原南出賊之右因高而隙上率大兵自原

北出其不意斬首萬餘又涇州靈臺縣漢鶉觚縣隋志

級賊大潰仁果懼而降後周廢宜祿入鶉觚大業初分置靈臺寰宇記廢鶉觚縣在宜祿縣西四十里靈臺縣後魏大統中自鶉觚故城移

今通鑑元嘉七年魏主至平涼夏主自鄜城還安定將

步騎二萬北救平涼與安西將軍古弼遇弼偽退以誘

之夏主追之魏主使高車馳擊之夏兵大敗夏主還走

登鶉觚原為方陣以自固魏兵圍之數日斷其水草人

馬飢渴夏主引眾下鶉觚原魏武衛將軍巨眷擊之夏眾大潰死者萬餘人夏主中重創單騎走

彭陽

通典寧州彭原縣漢曰彭陽縣隋志彭原舊曰彭陽又豐義縣本

漢彭陽縣地元和志今縣理西四十里彭陽故城是也武德二年分彭原縣置豐義新唐

志慶州同川縣義寧二年析彭原縣置三泉縣武德三

年更名舊唐志武德三年移治同川城改為同川縣晉書苻堅記匈奴右賢

王曹毅左賢王衛辰舉兵叛率眾二萬攻其杏城已南

郡縣屯于馬蘭山堅率中外精銳以討之以其前將軍

楊安鎮軍毛盛等為前鋒毅遣弟活距戰于同川安天

敗之斬活并四千餘級轂懼而降

北地郡

寰宇記輿地志云漢末北地郡但有泥陽富平二縣魏

晉亦然元和志後漢郡境為虜所侵北地郡寄馮翊通鑑

建興元年魏鑿自阿城帥眾五千救長安與劉曜遇于

雲武鑿兵大敗三年劉曜轉寇上郡魏允去黃白城軍

于靈武以兵弱不敢進四年漢大司馬曜圍北地太守

翹昌大都督魏允將步騎三萬救之曜遠城縱火煙起

蔽天使反間給允曰郡城已陷往無及也以懼而潰曜

追敗允于礮石谷允奔還靈武曜遂取北地郡即接此

北地郡即寄治馮翊郡之北地靈武

亦當在此地形志咸陽郡有靈武縣

富平

通典漢富平縣故城在今靈州迴樂縣西南又靈武縣

亦漢富平縣後魏薄骨律鎮

按後漢蓋省靈武縣入富平元和志廢靈武縣在懷

遠縣東北隔河一百里其城

本蒙恬所築古謂之渾懷鄣又懷遠温池二縣亦漢富

平縣地

元和志又鳴沙縣本富平縣地西枕黃河人馬行經此沙隨路有聲故號鳴沙

長安志

前漢縣治在今靈州迴樂縣界後漢徙今甯州彭原縣

界晉縣界晉徙縣于今縣西南

唐京兆尹富平縣

十一里懷德

城水經注河水于富平有上河之名河側有兩山相對

水出其間即上河峽也世謂之為青山峽河水歷峽北

注枝分東出又北逕富平縣故城西

元和志賀蘭山在保靜縣西九十三

里山有樹木青白望如駿馬北人呼駿為賀蘭其山河東望雲山形勢相接迤邐向北經靈武縣又西北經保靜西又北經懷遠縣西又北經定遠城西又東北抵河其抵河之處亦名乞伏山在黃河西從首至尾有像月

形南北約長五百餘里真邊城之鉅防山之東河之西
有平田數千頃可引水溉灌如盡收地利足以贍給軍
儲也又北薄骨律鎮城在河渚上赫連果城桑果餘林仍

列洲上河水又逕典農城東世謂之胡城元和志靈武縣後魏破赫

連昌收胡戶徙之因號胡地又北逕上河城東世謂之
城寰宇記宏靜縣有典農城

漢城律鎮倉城也後魏立宏靜鎮徙關東漢人以充屯

田隋立為縣按赫連記云破姚興將金洛生等徙七千
餘家于大城又攻姚壽都于清水城徙其人萬六千家

于大城此未築統萬城之先也漢城之名或始于此河水又北逕典農城東俗名

之為呂城馮參為上河農都尉所治也晉書張光傳轉

北地都尉氏羌反叛太守張掇戰沒郡縣吏士少有全

者光以百餘人戍馬蘭山北賊圍之百餘日光撫厲將

士屢出奇兵擊賊破之光以兵少路遠自分敗沒梁王
彤遣司馬索靖將兵迎光舉軍悲泣遂還長安劉曜記
石勒將石他自雁門出上郡襲安國將軍北羌王益句
除俘三千餘落護牛馬羊百餘萬而歸曜大怒投袂而
起是日次于渭城遣劉岳追之曜次于富平爲岳聲援
岳及石他戰于河濱敗之斬他石勒記下長安陳良夫
奔于黑羌水經注河水逕黑城北高平川招誘北羌四
角王薄句大等擾北地馮翊與石斌相持石韜等率騎
掎句大之後與斌夾擊敗之句大奔于馬蘭山郭放等
懸軍追北爲羌所敗死者十七八斌等收軍還于三城

魏書刁雍傳爲薄骨律鎮將上表曰富平西南三十里有艾山南北二十六里東西四十五里鑿以通河如禹舊迹其兩岸作漑田大渠廣十餘步山南引水入此渠也計昔爲之高于水不過一丈河水激急沙土漂流今日此渠高于河水二丈三尺又河水浸射往往崩頽渠漑高懸水不得上雖復諸處按引舊引水水亦難求今艾山北河中有洲渚水分爲二西河小狹水廣百四十五步臣今求入來年正月于西河西高渠之北八里分河之下五里平地鑿渠廣十五步深五尺築其兩岸今高一丈北行四十里還入古高渠卽循高渠而北復八十

里合百二十里大有良田計用四千人四十日功渠得
 成訖所欲鑿新渠口河下五尺水不得入今求從小河
 東南岸斜斷到西北岸計長二百七十步廣十步高二
 丈絕斷小河二十日功計得成畢合計用功六十日小
 河之水盡入新渠水則充足溉官私田四萬餘頃一旬
 之間則水一遍水凡四溉穀得成實官課常充民亦豐
 贍

泥陽

通典靈州定安縣漢泥陽縣地又定平縣漢泥陽縣地

志趙興郡陽周元和志漢泥陽縣故城在今定安縣理
 縣有泥陽城

東南方十五里武德二年分定安縣置定平縣晉書姚
碩德討平涼胡金鈞于洛城剋之

通典定安縣有洛水一名馬嶺川水

弋居

地形志北地郡有弋居縣此取漢舊名非漢縣也按晉
志自此以下縣皆無之晉書索綝封弋居伯

廉

水經注河水東北逕廉縣故城東又北與枝津合水受
大河東北逕富平城所在分裂以溉田園今無水河水
又東北逕渾懷鄣西太和初三齊平徙厯下民居此遂
有厯城之名矣

按魏書獻文帝皇興三年東陽賈虜沈文秀徙青州民于京師慕容白曜傳送

參綠

崔道固劉休賓于京師後乃徙二城民望于下館置平
齊郡懷寧歸安二縣以居之則非孝文帝之太和也

靈州

通典漢靈州縣故城在慶州馬嶺縣北又鹽州五原縣

漢馬嶺縣地

按前志馬嶺縣後漢當并入靈州襄
宇記廢馬嶺縣在慶州北七十里

武威郡

通鑑興平元年河西四郡

元和志作五郡為是後漢書
竇融傳河西五郡亦連金城

以去涼州治遠隔以胡寇上書求別置州詔以陳留郡

鄆商為雍州刺史建安十八年詔書并十四州復為九

州

本十三州以
分立雍州故

晉志漢末又依古典定九州乃合關右

以為雍州魏時復分為涼州

張既傳文帝即王位初置涼州以安定太守鄒岐為

刺史通典魏刺史治于武威

按漢雍州刺史亦治武威典署曰武威太守張猛勅兵攻

商商治舍與猛側近是刺史與太守同治一城也

姑臧

通典涼州姑臧縣漢舊縣晉書張軌傳城本匈奴所築

南北七里東西三里地有龍形故名臥龍城軌命子實

率尹負宋配步騎三萬討曹袞別遣從事田迴王豐率

騎八百自姑臧西南出石驢據長寧袞遣魏晃拒戰于

黃阪實詭道出浩亶戰于破羌斬袞

張寔傳京兆人劉弘者挾左道容居

天梯第五山然燈懸饒于山穴中為光明以惑百姓受道者千餘人元和志天梯山在縣南二十五里

光記隆安二年郭騰明天文喜占候謂王詳曰于夫文涼之

分野將有大兵詳以為然燒光洪範門二苑之眾皆應

之詳為內應事發光誅之騰遂據東苑以叛推後將軍

楊軌為盟主通鑑軌畧陽氏也將軍程肇諫曰卿棄龍頭而從蛇尾非計也軌不從呂纂

擊騰將王斐于城西大破之自是騰勢漸衰楊軌率步

騎二萬北赴郭騰至姑臧壘于城北軌以士馬之盛議

欲大決成敗騰每以天文裁之呂弘為段業所逼光遣

呂纂迎之軌謀于眾曰呂弘精兵一萬若與光合則敵

強我弱養獸不討將為後患遂率兵邀纂纂擊敗之郭

騰聞軌敗東走魏安通鑑隆安五年涼王隆多殺豪望以立威名內外震然人不自固纂

安人焦朗遣使說秦隴西公碩德曰呂氏自武皇奔世
兄弟相攻競為威虐今乘其篡奪之際取之易于返掌
不可失也碩德率步騎六萬伐涼乞伏乾歸率騎七千
從之秦軍至姑臧涼王隆遣輔國大將軍超龍驤將軍
邈等逆戰碩德圍姑臧累月東方之人在城中者多謀
外叛魏益多復誘扇之欲殺隆超事發坐死者三百餘
家安定公超曰今資儲內竭上下敖張陳復生亦無以
為策陛下何愛尺書單使卑辭以退敵不然坐守困窮
終將何如隆乃

遣使請降于秦秃髮記偃檀率騎一萬乘虛襲姑臧集
弟緯守南北城以自固偃檀耀兵青陽門虜八千餘戶

而歸通鑑隆安五年偃檀耀兵姑臧壁于胡阮偃檀知

呂超必夾斫營畜火以待之超夜遣中壘將軍王

集帥精兵二千斫偃檀營偃檀徐嚴不起集入壘中內

外舉火光照如晝縱兵擊之斬集及甲首三百餘級胡

三省曰胡阮 偃檀獻與馬三千匹羊三萬頭與乃使偃
檀鎮姑臧傳檀率騎三萬次于五間

通鑑永和三年河

軍沮渠成都率眾一萬耀兵嶺南遂屯五澗秦王熾警遣征北出連虔等帥騎七千擊之寔字記姑臧縣西有白亭海五澗如水自番和縣界北流

入白海按此云番和者乃唐所置也
義熙六年戰于窮泉儁檀大敗單馬奔還蒙遜進圍姑臧百

姓懲東苑之戮悉皆驚散儁檀遣司隸校尉敬歸及子

他為質歸至胡阮逃還右衛折掘奇鎮據石驢山以叛

儁檀懼蒙遜又慮奇鎮剋嶺南乃遷于樂都留大司農

成公緒守姑臧儁檀始出城焦謚王侯等閉門作難收

合三千餘家保據南城推焦朗為大都督降于蒙遜鎮

軍敬歸討奇鎮于石驢山戰敗死之
通鑑七年蒙遜攻姑臧執朗而宥之

以其弟挈魏書崔浩傳世祖將討河西王沮渠牧犍先

鎮姑臧

問于浩浩曰牧犍惡心已露不可不誅尙書古弼李順之徒皆曰自温園河以西至于姑臧城南天梯山冬有積雪深一丈餘至春夏消液下流成川引以溉灌彼聞軍至決此渠口水不通流則致渴乏去城百里之內赤地無草又不任久停軍馬浩曰漢書地理志稱涼州之畜爲天下饒若無水草何以畜牧又漢人爲居終不于無水草之地築城郭立郡縣也又雪之消液纔不斂塵何得通渠引漕此言大抵誣于人矣李順等復曰耳聞不如目見吾曹目見何可共辨浩曰汝曹受人金錢欲爲之辭謂我目不見便可欺也世祖隱聽聞之乃出親

見奚斤等辭旨嚴厲形于神色羣臣乃不敢復言遂討

涼州而平之源賀傳征涼州以賀為鄉導詔謂問攻賊

之援然皆是臣祖父舊民臣願宣國威信必相率歸降

外援既服然後攻其孤城拔之如反掌耳世祖曰善遣

武威

寰宇記漢武威縣在涼州番和縣西北三百里舊唐志

年復于漢武威城置武威縣按前志武威縣有豬野澤

通典舊唐志皆云姑臧縣有豬野澤是漢後武威并入

張掖

按漢縣當在涼州昌松縣西晉志呂光以郭騰言議改

昌松爲東張掖郡是此也

休屠

元和志漢休屠縣故城在姑臧縣北六十里

地形志武威郡襄城

縣有休屠城又武興郡有休屠縣新唐志姑臧縣有武興鹽池在縣界

通鑑隆安元年涼

人張集宋生等招集戎夏三千人反于休屠城隆安五年涼將姜紀降于利鹿孤奔秦軍說姚碩德曰呂隆孤城無援明公以大軍臨之其勢必請降然彼徒文降而已未肯遂服也請給記步騎三千與王松忽因焦朗華純之眾伺其覺隙隆不足取也不然今禿髮在南兵強國富若兼姑臧而據之威勢益盛且渠蒙遜李暠不能

抗也必將歸之如此則爲國家之大敵矣碩德乃表紀

爲武威太守配兵二千屯據晏然晉志武興郡有晏然縣前志休屠王莽改

曰晏然是晏然乃休屠所分樂史所引謬秃髮儁檀記屠各成七兒率其屬

叛儁檀于北城一夜眾至數千殿中都尉張猛大言于

眾曰主上陽武之敗蓋恃眾故也責躬悔過明君之義

諸君何故從此小人作不義之事殿內武旅正爾相尋

目前之危悔將無及眾聞之咸散七兒奔晏然殿中騎

將白路等追斬之

摺次

按其地當在涼州昌松縣東隋志後周廢榆次入昌松

榆次當是摺次也其允吾縣又為邑次晉志又作邑次張駿傳有

黃龍見于揖次之嘉泉地形志作摺次

鸞鳥

舊唐志涼州神鳥縣漢鸞鳥縣通典同神龍元年改武威

縣為神鳥按既于武威城置武威縣則非鸞鳥縣元和志張大錫改置武興縣後廢武德三年又于

城內置神鳥縣與姑城分理神鳥理西姑城理東按新唐志神鳥縣武德三年置貞觀元年省總章元年復置

曰武威神龍又嘉麟縣神龍二年於漢鸞鳥古城置唐新

元年復故名又嘉麟縣神龍二年於漢鸞鳥古城置唐新

志同參觀之則神鳥縣武德三年置貞元年又嘉麟縣省總章元年復置曰武威神龍元年復改名又嘉麟縣

神龍二年於漢鸞鳥古城置新唐志同參觀之則神鳥縣當為鸞鳥縣地嘉麟縣是鸞鳥晉書張重華傳以謝艾為使持節都督征討諸

故城

軍事文建牙旗有西北風吹旌旗東南指軍正將軍
退曰風爲號令今能令旗指之天所贊也破之必矣軍
次神烏王擢與前鋒戰敗遁還河南

模剌

寰宇記漢模剌縣後爲魏安在姑臧縣東隋省

隋志後魏魏安

郡後周改置白山縣尋廢入昌松禿髮記姚興遣將齊難率眾迎呂隆

于姑臧俾檀攝昌松魏安二戍以避之

據此應在姑臧東南元和志

志言昌松縣西北至涼州百二十里姚興記建節王松窗率騎助呂隆守

姑臧至魏安爲俾檀弟文真所圍眾潰松窗送于俾檀

通鑑隆安五年呂超攻姜紀不克遂攻焦朗

呂光記朗魏安人

朗遣其弟子高質于利鹿孤請迎車騎將軍傅檀赴之
比至超已退朗閉門距之傅檀怒將攻之鎮北將軍俱
延諫曰安土重遷人之常情朗孤城無食今年不降後
年自服何必多殺士卒以攻之若其不捷彼必去從他
國不如以善言諭之傅檀乃與朗連和元興元年中散
騎常侍張融言于利鹿孤曰焦朗兄弟據魏安潛通姚
氏數爲反覆今不取必爲朝廷憂利鹿孤遣傅檀討之
朗面縛出降

媪圍

按其地當在姑臧縣東唐靈州之西南水經注河水逕

其界東北流縣西南有泉源晉書馬隆傳隆西渡溫水

當卽溫 虞樹機能等以眾數萬或乘險以逼隆前或設

圍水 伏以截隆後隆依八陣圖作偏箱車地廣則鹿角車營

路狹則爲木屋施于車上且戰且前弓矢所及應弦而

倒奇謀間發出敵不意或夾道累磁石賊負鐵鎧行不

得前隆卒悉被犀甲無所留礙賊咸以爲神轉戰千里

殺傷以千數赫連勃勃記傳檀率眾追之其將焦朗謂

傳檀曰勃勃天姿雄傲御軍齊肅未可輕也今因抄掠

之資率思歸之士人自爲戰難與爭鋒不如從溫圍北

渡趣萬斛堆阻水結營制其咽喉百戰百勝之術

胡奮傳

烈屯于萬斛堆為羌虜所圍無援遇害

倭檀將賀連怒曰勃勃以死亡之

餘率烏合之眾犯順結禍幸有大功今牛羊塞路財寶

若山窘弊之餘人懷貪競不能督厲以抗我我眾氣銳

宜在速追倭檀曰我追計決矣勃勃于陽武下陝鑿凌

埋車以塞路勒眾逆擊大敗之追奔八十餘里斬其大

將十餘人殺傷萬計

呂光記遺其將梁恭金石生以甲率萬餘出陽武下峽攻訖歸于金城

城

宣威

元和志涼州嘉麟縣本漢宣威縣地前涼張軌于此置

武興郡晉書張軌傳中州避難者日月相繼分武威置

武興郡以居之

倉松

通典涼州昌松縣漢倉松縣

元和志漢故城在縣東北十里東北十里

晉書

禿髮記樹機能敗涼州刺史蘇愉于金山

元和志金山在縣南一百

里八十張天錫傳天錫自率三萬人自倉松伐李儼儼大

敗呂光記初張天錫南奔其世子大豫為長水校尉王

穆所堅及堅還長安穆將大豫奔禿髮思復鞬道之魏

安是月魏安人焦松齊肅張濟等起兵數下迎大豫于

揖次陷昌松郡光將杜進為大豫所敗光荒率信讒殺

尚書且渠羅仇三河太守沮渠麴羅仇弟子象遜叛

光殺中田護軍馬邃攻陷臨松郡屯兵金山大爲百姓

之患

通鑑太原公纂擊蒙遜于
忽如破之蒙遜逃入山中

利鹿孤記聞呂光死遣

其將金樹蘇翹率騎五千屯于昌松漠口

地形志昌松
郡有漠口縣

呂隆爲蒙遜所伐遣使乞師利鹿孤引羣下尙書左丞

婆衍論曰姑臧飢荒殘弊穀石萬錢野無青草資食無

取蒙遜千里行師糧運不屬使二寇相殘以乘其弊若

蒙遜拔姑臧亦不能守適可爲吾取之不宜救也俾檀

曰姑臧今雖虛弊地居形勝河西一都之會不可使蒙

遜據之遂率騎一萬救之至昌松而蒙遜已退俾檀徙

涼澤段冢五百餘家而還俾檀記姚興遣其將姚弼等

率步騎三萬來伐弼眾至漠口昌松太守蘇霸嬰城固

守城陷斬霸

鷓陰

通典漢鷓陰縣故城在今姑臧縣東南元和志會州會

寧縣

西北至涼州五百四十里

本漢鶉陰縣地

按前志屬安定者本為鶉陰

張既

傳涼州盧水胡伊健妓妾治元多等反以既代鄒岐為

刺史遣護軍夏侯儒將軍費耀等繼其後既至金城欲

渡河諸將以為兵少道險未可深入既曰道雖險非井

陘之隘夷狄烏合無左車之計今武威危急赴之宜速

遂渡河賊七千餘騎逆拒軍于鷓陰口既揚聲軍從鷓

陰乃潛由且次出且次當即指次至武威胡以為神引還顯美
寰宇記鷓水名俗名正陰城呂光記金城太守尉祐叛從弟隨據鷓
陰以應之光遣其將魏真討隨隨敗奔祐

祖厲

元和志會州烏蘭縣本漢祖厲縣地前涼張軌收其餘人于武威縣側近

別置祖厲縣寰宇記姑臧縣有祖厲城地形志誤為祖居屬隴東郡水經注河水東北流

逕祖厲縣故城西北又東北祖厲川水注之水出祖厲

山南山禿髮記傳檀為勃勃敗于陽武與數騎奔南山應在此南山又東北逕麥田

城西又東北逕麥田山西谷山在安定西北六百四十

里乞伏記石勒滅劉曜傳大寒懼而遷于麥田元孤山

秃髮記星掘麥田車蓋諸部落盡降于蒙遜

魏志張繡傳邊率韓

遂為金城趙勝襲殺祖厲長劉雋繡為縣吏間何殺勝郡內義之遂招合少年為邑中豪傑

顯美

按其地當在姑臧縣西隋志顯美後周廢入姑臧魏志張既傳既以據武威欲進軍擊胡諸將皆曰士卒疲倦虜氣銳難與爭鋒既曰今軍無見糧當因敵為資若虜見兵合退依深山追之則道險窮餓兵還則出候寇抄如兵不得解矣遂前軍顯美胡騎數千因大風欲放火燒營將士皆恐既夜藏精卒三千人為伏使參軍成公英督千餘騎挑戰敕使陽退胡果爭奔之因發伏截

其後首尾進擊大破之斬首獲生以萬數晉書禿髮記
傳檀攻呂隆昌松太守孟禕于顯美剋之又傳檀遣其
左將軍枯木等伐蒙遜掠臨松人千餘戶蒙遜大怒率
騎五千至于顯美方亭破車蓋鮮卑而還按上文傳檀
遂伐蒙遜入西陝戰于均石為
蒙遜所敗則方亭在顯美也

左騎千人官

此蓋後漢將兵長史所治聞于縣也魏志張既上疏請
與護軍夏侯儒治左城築障塞置烽候邸廩以備胡左
城者此城也

張掖郡

晉志漢又置西郡寰宇記後漢興平二年分置

丹置蘭池萬歲仙提三縣

儼得

元和志甘州張掖縣本漢儼得縣本匈奴儼得王所居

按霍去病傳攻祁連山揚武于儼得儼得是地名非王號寰宇記郡城在今縣西北四十里 晉改名

永平隋大業初改為張掖隋志張掖舊名永平 通典後魏臨松郡

在此吐蕃敘云禿髮儼檀為乞伏所滅利鹿孤子樊尼率餘種依沮渠蒙遜其後子孫西魏時為臨松郡

丞與主簿皆得眾心中華擾亂招攬羣羌日以強大遂改姓為宰野故其人至今號主曰贊府貴臣曰主簿

呂光記其將徐晃與張掖太守彭晃謀叛光討晃奔

晃晃東結康寧西通王穆光議將討之諸侯咸曰今康

大川志

寧在南阻兵伺隙若大駕西行寧必乘虛出于嶺左

光西

平太守康寧自稱匈奴王阻兵以叛光進退狼狽勢必大危光曰事勢實

如卿言今而不往當坐待其來晁穆共相唇齒寧又同

惡東西交至城外非吾有大事去矣今晁叛逆始爾寧

穆情契未密及其倉卒取之為易且隆替命也卿勿復

言自率步騎三萬倍道兼行既至攻之二旬晁將寇顛

斬關納光誅晁沮渠記呂弘去張掖將東走段業議欲

擊之蒙遜曰歸師勿過兵家之戒不如縱之以為後圖

業遂率眾追之為弘所敗賴蒙遜而免

按段業時據建康都稱建康公

其地當在張掖之東也通鑑隆安二年涼常山公業憚

呂弘鎮張掖引兵奔張掖東走段業徙治張掖

業憚

蒙遜雄武以門下侍郎馬權代蒙遜爲張掖太守蒙遜
譖之于業曰天下不足慮惟當憂馬權耳業遂殺之蒙
遜謂男成曰段業愚闇非濟亂之才欲除業以奉兄何
如男成曰業羈旅孤飄泊我所建立有吾兄弟猶魚之
有水人旣親我背之不祥乃止蒙遜內不自安請爲西
安太守蒙遜期與男成同祭蘭門山密遣司馬許咸告
業男成欲謀叛許以取假日作逆若求祭蘭山臣言驗
矣至期日果然業收男成令自殺男成曰蒙遜欲謀叛
臣以兄弟之故隱忍不言以臣今在恐部人不從與臣
剋期祭山返相誣告臣若朝死蒙遜必夕發乞詐言臣

死說臣罪惡蒙遜必作逆臣投袂討之事無不捷業不從蒙遜聞男成死泣告眾男成素有恩信眾皆憤泣而從之蒙遜壁于侯塢業先疑其右將軍田昂幽之于內至是謝之使與武衛梁中庸等攻蒙遜昂至侯塢率騎五百歸于蒙遜蒙遜至張掖昂兄子承愛斬關內之業左右皆散業謂蒙遜曰孤單飄一己爲貴門所推可見勾餘命投身嶺南庶得東還與妻子相見蒙遜遂斬之李歆傳蒙遜遣其張掖太守詐降士業唐避諱稱字士業遣武衛溫宜等赴之親勒大軍爲之後繼蒙遜設伏于蓼泉新唐志甘州西百二十里有蓼泉守捉城士業聞引兵還爲蒙遜所逼士

業親貫甲先登大敗之追奔百餘里俘斬七千餘級

記為李士業敗解支澗按宋書作西支澗通鑑作鮮支澗西鮮聲同即刪丹縣焉支山也晉記則字訛為解

通鑑元嘉元年熾磐遣平遠將軍叱盧健等襲河西鎮

南將軍沮渠白蹄于臨松擒之

袁字記臨松山一名青樹山按蒙遜起兵斬呂光中田護軍馬邃臨松令并祥又蒙遜伯父中田護軍親信臨松太守孔篤并侵善百姓是中田即在臨松

昭武

通典漢昭武縣在今張掖縣西北晉志臨澤縣漢昭武

縣避文帝諱沮渠記太史令張衍言于蒙遜曰今歲臨

澤城西當有破兵蒙遜乃遣其世子政德屯兵若厚塢

宋書李歆乘虛攻張掖蒙遜回軍西歸歆退走追至臨

澤斬歆兄弟三人李歆傳士業率步騎三萬東伐次于

都瀆澗蒙遜自浩亶來距戰于懷城為蒙遜所敗按台蒙遜

記觀之則懷城應在漢昭武縣

刪丹

通典甘州刪丹縣後漢舊縣元和志焉支山一名刪丹山在縣南五十里新唐志

甘州西北百九十里祁連山北有建康軍按刪丹縣在張掖縣東張駿所置建康郡亦在張掖縣郡東則應在

刪丹縣界張寔傳蘭池長趙爽上軍士張冰得璽文曰皇帝

璽羣僚上慶稱德寔曰孤常忿袁本初擬肘諸君何忽

有此言因送于京師通鑑隆安五年蒙遜遣子奚念為

質于利鹿孤不受曰奚念年少可遣舉也蒙遜上疏曰

臣竊以為苟有誠信則予不為輕若其不信則弟不為

重今寇難未夷不獲奉詔利鹿孤怒遣張松侯俱延興

城侯文支將騎一萬襲蒙遜至萬歲臨松宋白曰隋煬帝併萬歲入

剛丹執蒙遜從弟鄯善苟子虜其民六千餘戶沮渠記蒙

遜率騎二萬東征次于丹嶺北虜大人思盤率部落三

千降之通鑑元嘉十七年沮渠無諱寇魏張掖秀髮保周屯剛丹魏主遣永昌王健督諸軍討之

屋蘭

按當在張掖縣西南通典吐如渾地自洮水之西南極

于白蘭疑即屋蘭也乞伏記討吐茹渾樹洛于塞上破

其弟阿豺于堯扞川洛干奔保白蘭山而死宋書拓拔

卷之三十一 三十一 三十一 八又三

肅遣軍擊慕延大破之慕延率部落西奔白蘭山攻破于寘國

日勒

通典漢日勒縣故城在甘州刪丹縣東南

晉志西郡治日勒通

鑑太元十年涼州郡縣皆降于呂光獨酒泉太守宋皓西郡太守索泮城守不下光攻執之讓泮曰吾受詔平西城而梁熙紇我歸路此朝廷之罪人卿何爲附之泮曰將軍受詔平西域不受詔亂涼州梁公何罪而將軍殺之光殺泮及皓沮渠記段業將使蒙遜攻西郡厭咸疑之蒙遜曰此郡據嶺之要不可不敗業曰卿言是也

蒙遜引水灌城城潰執太守呂純以歸又攻禿髮西郡

太守楊統于日勒統降拜為右長史禿髮記傳檀運穀四萬石以給西郡

蒙遜攻西郡陷之

驪軒

按其地當在甘州東與涼州姑臧縣接也匈奴傳有犁汗王縣蓋即

其神王晉書張祚傳遣其將和異伐驪軒戎于南山大

敗之而還禿髮記傳檀徙顯美驪軒二千餘戶而歸

番和

元和志涼州天寶縣本漢番禾縣沮渠寰宇記天寶三年以界內天寶

山出醴泉改為天寶縣長慶中仍舊為番和呂光記蒙纂即天王位封弟引為番禾郡公則應是呂氏置

遜立爲番禾郡通鑑隆安元年沮渠羅仇從呂光伐西

秦及呂延敗死羅仇弟三河太守魏弼謂羅仇曰主上

荒率信讒今軍敗將死正其猜忌知勇之時也吾兄弟

必不見容與其死而無名不若勒兵向西平

晉志張駿置涼州有

西平郡非漢所置西平

出苕藿奮臂一呼涼州不足憂也羅仇曰

誠如汝言然吾家世以忠孝著于西土豈使人負我我

不忍負人光果聽讒以敗軍之罪殺羅仇及魏弼禿髮

記儻檀又將伐蒙遜邯川護軍孟愷諫曰蒙遜初并姑

臧凶勢甚盛宜固守伺隙不可妄動不從五道俱進至

番禾苕藿掠五千餘戶其將屈右曰宜倍道旋師早度

峻險蒙遜善于用兵若輕軍卒至出吾慮表大敵外逼
徙戶內攻危道也衛尉伊力延曰彼徒我騎勢不相及
若倍道旋師必捐棄資財示人以弱非計也屈右出而
告其諸弟曰吾言不用天命也此吾兄弟死地俄而昏
霧風雨蒙遜軍大至偃檀敗績而還沮渠記蒙遜襲狄
洛槃于番禾不克遷其五百餘戶而還蒙遜西如茗藿
此時蒙遜已遷姑臧遣冠軍伏恩率騎一萬襲卑和烏啼二虜大
破之呂光記呂纂司馬楊統謂其從兄桓曰郭曆明善
天文起兵有以京城之外非復朝廷之有纂今還都復
伺所補統請除纂勒兵推兄爲盟主西襲呂弘據張掖

以說合謂郡千載一時也桓怒曰吾聞臣子之事君親
有隕無二吾未有也包胥相救之豈可安榮其祿亂增
其難乎呂宗若敗吾爲弘演矣統懼至番禾遂奔郭曆
呂纂記番禾太守呂超擅伐鮮卑思盤思盤遣弟乞珍
訴超于纂纂見超怒曰卿恃兄弟桓桓欲欺吾也要當
斬卿然後天下可定超頓首不敢通鑑元嘉十七年魏
永昌王健擊破禿髮保周于番禾保周走安南將軍尉
眷追之保周窮迫自殺

酒泉郡

福祿

通典肅州酒泉縣漢福祿縣地

元和志遠虜障在縣北二百四十里李陵與單

于戰處隋鎮將楊元於其地得銅弩牙箭鏃

魏畧楊豐傳

閻溫

建安中太守

徐揖誅郡中強族黃氏時黃昂得脫在外乃以昂家粟

金數斛募眾得千餘人以攻揖揖城守豐時在外以昂

為不義乃告揖捐妻子走詣張掖求救會張掖又反殺

太守而昂亦陷城殺揖二郡合勢昂恚豐不與已同乃

募張掖以麻繫其頭生致之豐遂逃走武威太守張猛

假豐為都督使齎檄告酒泉聽豐為揖報仇豐遂單騎

入南羌中合眾得千餘騎從樂涇

刊本誤涇為浪

南山中出指

趨郡城令騎下馬曳柴楊塵酒泉郡人望見塵起以為

東大兵到遂破散捕得昂豐謂昂曰卿前欲生繫我頸
今反爲我所繫云何遂殺之晉書張玄靚傳西平人衛
緄據郡叛田旋娶酒泉太守馬基背張瓘應緄謂基曰
緄擊其東我等絕其西不六旬天下可定斯閉口捕舌
也基許之瓘遣司馬姚王國將二千人伐基斬基旋呂
光記王穆襲據酒泉自稱大將軍涼州牧以其黨索嘏
爲敦煌太守旣而忌其威名率眾攻嘏光聞之謂諸將
曰二虜相攻此成擒也光將攻之眾咸以爲不可光曰
取亂侮亡武之善經不可以累征之勞而失永逸之舉
率步騎二萬攻酒泉剋之進次涼興穆引師東還路中

眾散穆單騎奔驛馬令郭文斬首送之晉志酒泉郡有驛馬縣此當在

郡西襄宇記云甘州張云甘州張掖縣有驛馬戍則反在酒泉之東非也李暉傳玄盛謂羣

寮曰自張掖以東晉之遺黎雖為戎虜所制至于向義

思風過于殷人之望西伯大業雖定不可安寢吾將遷

都酒泉漸逼寇穴遂遷居于酒泉宋書大且渠傳暉遣唐瑤及騰揚將軍宋

繇攻酒泉獲太守大且渠益生永初元年蒙遜斬李歆進攻酒泉剋之元嘉十六年拓拔燾攻涼州茂虔見執

茂虔弟無諱先為征西將軍酒泉太守無諱弟儀德為征東將軍張掖太守燾遣軍擊儀德奔城奔無諱擁家

戶西就從弟敦煌太守唐兒十七年無諱儀德伐酒泉克之十八年唐兒反無諱留從弟天周守酒泉拓拔燾

遣軍圍酒泉十月城中飢萬餘口皆餓死天周殺妻以食戰士城陷執天周至平城殺之

表氏

通典漢表是縣故城在今甘州張掖縣西北氏是本魏通用

志張既傳酒泉蘇衡反與羌豪鄰戴及丁令胡萬餘騎

攻邊縣既與夏侯儒擊破之

樂涑

通典肅州福祿縣舊樂涑縣武德三年改舊唐志于樂涑古城置福

祿縣新唐志東南百二十里有祁連戌按晉志永興中置漢陽縣以守牧地張玄靚改為祁連郡應卽其地呂

光記建康太守李隰祁連都尉嚴純皆起兵應張大豫呂光記蒙遜從兄男成先

守晉昌聞蒙遜起兵逃奔貴盧扇動諸夷眾至數千進

攻福祿建安寧戎護軍趙策擊敗之男成于樂涑戰敗

澄策死之李暠傳以張體順為寧遠將軍建康太守鎮

樂消

玉門

通典肅州玉門縣漢舊縣

晉志張茂以敦煌晉昌西城都護校尉玉門大護軍三郡

三營為沙州元和志漢罷玉門關屯戍徙其人于此因

以名縣後魏孝明帝改為玉門郡按晉志及宋書大且

渠傳高祖以李歆都督玉門等七郡諸軍事則玉門先已置郡晉書李嵩傳遣宋繇東

伐涼興并擊玉門已西諸城皆下之遂屯玉門陽關廣

田積穀為東伐之資

會水

按其地當在肅州酒泉縣東北寰宇記會水一名白亭

海在縣東北三十里十三州志曰眾羌之水所會故曰

會水按漢所置會水縣亦當在此

沙頭

按其地當在酒泉縣西宋書大且渠傳酒泉太守王德
叛于段業自稱河州刺史業使且渠蒙遜擊之德焚城
將部曲走投晉昌太守唐瑤蒙遜追至沙頭大破之

安彌

按其地當在酒泉縣東北通鑑太元十年呂光至玉門
梁熙移檄責光擅命遣師以子胤爲鷹揚將軍與振威
將軍南安姚皓別駕衛翰率眾五萬拒光于酒泉光報
檄涼州責熙無赴難之志而過歸國之眾遣彭晃杜進

美飛為前鋒與亂戰于安彌大破擒之晉書李嵩傳且渠蒙遜來侵至于建康掠三千餘戶而歸玄盛大怒率騎追之及于安彌大敗之盡取所掠之戶通鑑訛宋書為安珍且渠傳蒙遜襲李嵩至安彌去城六十里嵩乃覺引軍出戰大敗退還此與晉志所載異

乾齊

按其地當在酒泉西北魏志閻溫傳敦煌太守馬艾卒官府又無丞功曹張恭素有學行郡人推行長史事恩信甚著乃遣子就東詣太祖請太守就至酒泉為張華所拘執張華參觀張既蘇則二傳及魏畧楊豐傳皆作黃華此誤恭遣從弟華攻酒

泉沙頭乾齊一縣恭繼華後別遣騎二百東緣酒泉北塞徑出張掖河北迎太守尹奉

延壽

按其地當在酒泉縣西寰宇記十三州志云延壽縣在郡西城中有山出泉注地其水肥如牛汁然之極明此方人謂石漆得水則愈熾元和志石脂水在玉門縣東南一百八十里周武帝宣政中突厥圍酒泉取此脂然火焚其攻具酒泉賴以獲濟

敦煌郡

晉志惠帝元康五年分敦煌之宜禾伊吾宜安深泉廣至五縣又分酒泉之沙頭縣又別立會稽新鄉凡八縣

為晉昌郡張祚又
以敦煌郡為商州

敦煌

舊唐志沙州敦煌縣漢縣周改敦煌為鳴沙縣隋復為

敦煌隋志後周并敦煌等六縣為鳴沙縣袁宇記鳴沙山在縣南七里辛氏三秦記曰峰崎危峻逾于石

山其沙色黃有如乾楠山之陽有一泉名曰沙井綿歷今古沙不填之晉書李暠傳段業

以孟敏為沙州刺史署立盛效穀令敏尋卒護軍郭謙

治中索仙等以立盛溫毅有惠政推為敦煌太守業右

衛將軍索嗣構立盛于業乃以嗣為敦煌太守率騎五

百而西未至二十里移立盛使迎己立盛驚疑將出迎

之效穀令張逸及宋繇止之曰呂氏政衰段業闇弱正

是英豪有爲之日將軍處一國成資奈何束手于人索
嗣自以本邦謂人情附已不虞將軍卒能拒之可一戰
而擒矣宋繇亦曰大丈夫已爲世所推今日便授首于
嗣豈不爲天下笑玄盛曰吾少無風雲之志因官至此
不圖此郡士人忽爾見推向言出迎者未知士大夫之
意故也因遣繇覘嗣暗以甘言還謂玄盛曰嗣志驕兵
弱易擒也于是遣子士業讓與邈繇等逆戰破之嗣奔
還張掖玄盛素與嗣善結爲刎頸交反爲所構故深恨
之乃罪狀嗣于段業業將且渠男成文惡嗣至是因勸
除之乃殺嗣遣使謝玄盛

真安

元和志瓜州晉昌縣本漢真安縣因縣界冥水為名晉

元康中改屬晉安郡晉志北冥水自吐如渾界流八大

擇東西二百六十里南北六十里通典漢宜禾都尉所

居故城在縣西北界後魏正光中置會稽郡于此隋志後周

廢郡并會稽新鄉延興為會稽縣按西涼分南人五千戶置會稽郡晉書張軌傳晉昌張

越涼州大族讖言張氏霸涼自以才力應之從隴西內

史遷涼州刺史越志在涼州遂託病歸河西陰圖代軌

乃遣兄鎮及曹祛麴佩移檄廢軌以軍司杜耽攝州事

且真傳王德以晉昌降段業宋書晉昌太守唐契反業

遷世子正德攻契涼

契奔
伊吾

效穀

隋志效穀縣後周并入敦煌縣

拼泉

隋志淵泉縣後周并涼興大至即廣冥安淵泉合為涼

興縣開皇初廢常樂郡改涼興為常樂縣按前志作淵

泉晉志避唐諱為深泉此作拼誤大司農張奐為此縣

人廣至通典瓜州常樂縣漢廣至縣地元和志魏分廣

魏明帝改置常樂郡寰宇記漢廣至故城在今縣西北

恆以大石棧之稍開即風暴便至傷人新唐志有拔河
帝通鑑太元十年呂光自龜茲還至宜禾秦涼州刺史

梁熙謀閉境拒之高昌太守楊翰言于熙曰呂光新破
西域兵強氣銳聞中原喪亂必有異圖河西地方萬里
帶甲十萬足以自保若光出流沙其勢難敵高梧谷口
險阻之要宜先守之而奪其水彼既窮竭可以坐制如
以為遠伊吾關亦可拒也度此二阨雖有子房之策無
所施矣熙弗聽光聞楊翰之謀不足憂也宜及其上下
離心速進以取之光從之

章懷注廣至縣故城在瓜州
常樂縣東今謂之縣泉堡

龍勒

通典沙州壽昌縣漢龍勒縣地

隋志後周併龍勒人鳴沙新唐志沙州有府三

曰龍勒效陽關居玉門關之南二關之西三百餘里有

穀懸泉

蒲昌海一名鹽澤舊唐志後魏改爲壽昌縣陽關在縣西六里玉門關在縣西北一百十八里

張掖屬國

按前漢屬國都尉本治張掖日勒彪志云後漢別領五城蓋此恐是營屯不得爲城也

候官

此蓋西北一候之義

左騎 千人 司馬官 千人官

此蓋卽將軍營內分部曲立屯戛之非縣名也何奴傳右賢之

犁汗王分三隊入張掖張掖太守屬國都尉發兵擊大破之屬國千長義渠王騎士射殺犁汗王屬其千長卽

千人也

張掖居延屬國

晉志漢獻帝興平二年武威太守請置西海郡領居延

一縣元史地理志亦集乃路在甘州北一千五百里城東北有大澤西北俱接沙漠乃漢之西海郡居延

故城

居延

通典漢居延縣城在今甘州張掖縣東北元郡志居延縣在縣東北

一千六百里魏志郭淮傳治無戴圍武威家屬留在西海淮

進軍趣西海欲掩取其累重會無折還與戰于龍夷之

北破走之通鑑太元五年秦幽州刺史行唐公洛反寶

衝等生禽洛堅赦洛不誅徙之西海郡十年美水合犍
爲張統謂梁熙曰今關中大亂京師存亡不可知呂光
之來其志難測將軍何以抗之熙曰憂之未知所出統
曰光智略過人今擁思歸之士乘戰勝之氣其鋒未易
當也將軍世受大恩忠誠夙著立勲王室宜在今日行
唐公洛上之從弟勇冠一時爲將軍計莫若奉爲盟主
以收眾望推忠義以帥羣豪則光雖至不敢有異心資
其精銳東兼毛興河州刺史連王統秦州刺史楊璧南秦州刺史合四
州之眾埽兇逆寧帝室此桓文之舉也熙又弗聽殺洛
于西海

案此下應接卷二十八其卷二十七乃漢書疏證卷二
十五第五十五葉末行至卷二十六之文原刻誤衍今
刪

乙卯十月浙江圖書館識

後漢書疏證卷二十六終